

Priljučeno: 06.05.2002			
Org. jed.	Broj	Prilog	Vrijednost
02/3-011-329/02			

**BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE  
DOM NARODA  
Komisija za finansijske  
i administrativne poslove  
Broj: 02/3-011-329/02  
Sarajevo, 25. 4. 2002.**

**ZAPISNIK**

18. sjednice Komisije za finansijske i administrativne poslove  
Doma naroda Parlamentarne skupštine Bosne i Hercegovine  
održane 9. 4. 2002. i 15. 4. 2002.

18. sjednicu Komisije za finansijske i administrativne poslove Doma naroda Parlamentarne skupštine Bosne i Hercegovine sazvaio je predsjedatelj Komisije Jerko Ivanković.

Na sjednici Komisije su prisustvovali sljedeći članovi Komisije:

**9.4. 2002.** Munib Jusufović, Dragutin Ilić, Momčilo Novaković, Šefik Džaferović i Jerko Ivanković.

**15. 4. 2002.** Dragutin Ilić, Momčilo Novaković, Šefik Džaferović, Jerko Ivanković.

\*Ilija Šimić i Munib Jusufović nisu bili u mogućnosti prisustvovati sjednici, o čemu su ranije obavijestili predsjedatelja Komisije.

Sjednici su prisustvovali: predstavnici Državne granične službe, Ministarstva za trezor institucija BiH, Ministarstva za ljudska prava, Ministarstva za europske integracije, Ustavnog suda BiH, Jadranka Korać, šef računovodstva i Jadranko Tomić, tajnik Doma naroda

Predstavnik Regulatorne agencije za telekomunikacije nije prisustvovao.

Sjednicom je predsjedao predsjedatelj Komisije Jerko Ivanković.

Nakon što je ustanovljen kvorum, za sjednicu je predložen sljedeći

**DNEVNI RED**

1. Usvajanje zapisnika 17. sjednice Komisije za finansijske i administrativne poslove;
2. Izvješće o obavljenoj reviziji za 2000.;
  - Državna granična služba – izvjestitelj Jerko Ivanković
  - Ministarstvo za trezor institucija BiH – izvjestitelj Dragutin Ilić
  - Ministarstvo za ljudska prava i izbjeglice – izvjestitelj Munib Jusufović
  - Ministarstvo za europske integracije – izvjestitelj Ilija Šimić
  - Ustavni sud BiH – izvjestitelj Šefik Džaferović
  - Regulatorna agencija za telekomunikacije – izvjestitelj Momčilo Novaković

### 3. Razmatranje prijedloga plana rada za 2002;

#### 4. Tekuća pitanja

- Upoznavanje sa procedurom podnošenja zahtjeva za troškove Trezoru

Dnevni red je jednoglasno usvojen.

#### 1. Usvajanje zapisnika 17. sjednice Komisije za financijske i administrativne poslove;

Zapisnik 17. sjednice Komisije za financijske i administrativne poslove je usvojen jednoglasno.

#### 2. Izvješće o obavljenoj reviziji za 2000.

Dana 4. 12. 2002. god. je Ured za reviziju financijskog poslovanja institucija BiH dostavio Parlamentarnoj skupštini BiH Izvješće o obavljenoj reviziji za 2000. god.:

- Državna granična služba
- Ministarstvo za trezor institucija BiH
- Ministarstvo za ljudska prava i izbjeglice
- Ministarstvo za europske integracije
- Ustavni sud BiH
- Regulativna agencija za telekomunikacije

Komisija za financijske i administrativne poslove je na 18. sjednici održanoj 9.4. 2002. preliminarno analizirala izvješća Ureda za reviziju i odredila izvjestitelje ispred Komisije:

1. Jerko Ivanković (Državna granična služba)
2. Dragutin Ilić (Ministarstvo za trezor institucija BiH)
3. Munib Jusufović (Ministarstvo za ljudska prava i izbjeglice)
4. Ilija Šimić (Ministarstvo za europske integracije)
5. Šefik Džaferović (Ustavni sud BiH)
6. Momčilo Novaković (Regulativna agencija za telekomunikacije)

Na nastavku 18. sjednice, održane 15. 4. 2002., Komisija je analizirala izvješća izvjestitelja, te su dobivene dodatane informacije od predstavnika institucija BiH u kojima je revizija izvršena, a koji su bili nazočni na sjednici Komisije. Zaduženi izvjestitelji su podnijeli izvješća Komisiji i dali prijedlog za konačno usvajanje.

Komisija je 15. 4. 2002. formulirala **zaključke** koji se odnose na izvješće Ureda za reviziju za institucije BiH u kojima je vršena revizija:

1. **Izvješće o obavljenoj reviziji Ureda za reviziju predstavlja korektan prikaz rada institucija BiH.**
2. **Institucije BiH su obvezne otkloniti uočene nedostatke u narednom periodu.**
3. **Institucije BiH se obvezuju registrirati donirana sredstva u Ministarstvu za Trezor sukladno zakonu.**
4. **Nadležni državni organi se obvezuju izvršiti uvid u izvješće Ureda za reviziju financijskog poslovanja, te ako je potrebno, utvrditi odgovornost i poduzeti mjere iz svoje nadležnosti.**

Priloženo Komijsko izvješće je sačinjeno po usvojenoj metodologiji rada, te se može sažeti u sljedećem:

- Uvod
- Sažetak istrage
- Primjedbe Ureda za reviziju
- Pitanja instituciji na koju se izvješće odnosi
- Odgovor institucije na upućena pitanja
- Zaključci Ureda za reviziju
- Radni raspored Komisije
- Komentari Komisije
- Prijedlozi Komisije

Komisija je usvojila konačna izvješća i dostavlja ih Domu naroda Parlamentarne skupštine BiH u dalju proceduru.

### **3. Razmatranje prijedloga plana rada za 2002.;**

Komisija je je jednoglasno usvojila prijedlog plana rada Komisije za finansijske i administrativne poslove za 2000. god. sa sljedećim izmjenama:

U mjesecu travnju 2002. briše se stavka 1.

U napomeni se dodaje:

*«Komisija nije nadležna u slučaju da neki od zakona, a koji je predviđen za određeni mjesec, ne uđe u proceduru razmatranja od strane Komisije».*

### **4. Tekuća pitanja**

- **Upoznavanje sa procedurom podnošenja zahtjeva za troškove Trezoru**

U raspravi su učestvovali Jadranka Korać, šef računovodstva, Muharem Imamović iz Ministarstva za trezor institucija BiH, Jadranko Tomić, tajnik Doma naroda, te članovi Komisije Momčilo Novaković i Šefik Džaferović.

Komisija za finansijske i administrativne poslove Doma naroda Parlamentarne skupštine razmatrala je problematiku realizacije zahtjeva za troškove i uočila je sporost prenosu sredstava, te su formulirani zaključci u svezi navedene problematike:

- **Ministarstvo za trezor se obvezuje da podnese redovito izvješće o prenosu sredstava za prva tri mjeseca tekuće godine Parlamentarnoj skupštini BiH, te da ga dostavi najkasnije do 15. 5. 2002. godine.**
- **Komisija traži da se ispoštuju zahtjevi Parlamentarne skupštine BiH u pogledu prenosa sredstava.**

Predsjedatelj komisije  
Jerko Ivanković v.r.